

近代中國史料叢刊第八十一輯

沈雲龍主編

閻澂丘（若璩）先生年譜

張穆編

文海出版社
有限公司印行

閻潛丘（若璩）先生年譜

附

夏定域編：閻潛丘先生年譜補正

張蔭麟著：偽古文尚書案之反控與再鞫

目次

跋 清・伍崇曜

年譜

卷一

譜前

一歲至四歲	一
五歲至九歲	四
十歲至十一歲	五
十二歲至十五歲	六
十六歲至十九歲	七
二十歲至二十一歲	九
二十二歲至二十三歲	〇
二十四歲至二十五歲	一
二十六歲至二十七歲	二
二十八歲	四
二十九歲至三十歲	五
三十一歲至三十二歲	八
三十三歲至三十四歲	〇
	一

三十五歲至三十六歲

三十七歲

卷二

三十八歲

三十九歲

四十歲至四十一歲

四十二歲

四十三歲

四十四歲

四十五歲

四十六歲

四十七歲

四十八歲

四十九歲

五十歲

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



五十一歲	七一	六十一歲	九九
五十二歲	七四	六十二歲	一〇〇
五十三歲	七五	六十三歲	一〇四
卷三		六十四歲	一〇六
五十四歲	七七	卷四	
五十五歲	八〇	六十五歲	一一五
五十六歲	八九	六十六歲	一一七
五十七歲	九一	六十七歲	一一八
五十八歲	九二	六十八歲	一一九
五十九歲	九六	六十九歲	一二二
六十歲	九八	譜後	一二八

附錄

(一) 夏定域編：閻潛丘先生年譜補正……………一四九—一五六

——采自一九四六年六月「東方雜誌」第四十二卷十二號

(二) 張蔭麟著：偽古文尙書案之反控與再鞠……………一五七—二〇五

——原載一九二九年六月「燕京學報」第五期

閻潛邱先生年譜卷一

清 平定張 稷編

先生系閻氏名若璩字百詩別署潛邱居士

四庫書提要潛邱者若璩本太原人寄居山陽爾雅曰晉有潛邱元和郡縣志曰潛邱在太原縣南三里取以名書不忘本也一統志潛邱在太原縣東八里太原縣志潛邱相傳宋修惠明寺塔陶土爲瓦遂失其形疑卽今之瓦窰村山陽丁儉卿晏嘗於淮安市上得潛邱居士小印珍弄之

歲甲辰入京師見穆爲先生所撰年譜遂以印相贈

譜中所采山陽詩徵拓塘
勝錄皆儉卿所手輯也

始祖仲寶元初自祁縣遷太原嘉節都西寨邨

子詠撰潛邱行述始祖貞逸公諱仲寶魏叔子閻氏本支敘閻氏受姓相傳爲周昭王少子爲秦伯曾孫爲唐叔虞後皆遠無所考信修齡之錄斷自元初遷太原仲寶公始又曰元初自祁始遷太原嘉節都西寨邨者曰第一代始祖仲寶公四書釋地今晉水源有女郎祠去吾家之西寨邨一

十八里。

第四代祖岱。

本支敍四世以下。崑紀修齡所自出。其始分支者。曰第四代祖岱公。

第五代祖珍敖。

本支敍始分四大股者。曰第五代祖珍敖公。尙書古文疏證。卷六下。鉅鹿澤一在鉅鹿縣西北。一在

昭慶縣東二十五里。昭慶縣今真定府之隆平。余五代祖之弟。實遷其地云。

第六代祖人瑞。

本支敍始分十四小股者。曰第六代祖人瑞公。又曰。三晉方言。稱某支爲某股。

第七代祖居開。號西渠。始由太原遷山陽。

本支敍遷淮者。曰第七代淮安始祖西渠公。又曰。蓋自仲寶公遷太原。以耕讀世家。西渠公業鹽筴。

遷淮而後。世稱素封。皆代有隱德。多文學士。又曰。西渠公之遷淮也。在正德初。

案杭大宗錢曉徵兩傳俱作五世祖始居淮安。趙鉉

山撰墓志則曰六世祖蓋由先生之身而上溯之爲六世也。釋地吾家自高高祖由晉之汾水遷楚之淮水所以二水之源及流皆曾窮

歷之。

案黎洲金石例古人例以高祖上一世稱五世祖故先生沿俗稱則曰高高祖枕錢作傳則曰五世祖也。

王山史賀牛叟先生壽序先生之先爲太原人以費

游於淮遂家焉居有廬耕有圃藝有圃陳其年贈閻梓勤二十初度序自注梓勤居淮之竹巷狀元里左汾近橐邱瓊山過山陽詩揚州千載繁華景移在西湖嘴上頭西湖嘴在運河東岸距余家狀元里僅二百步余嘗笑此謂成宏時之西湖嘴耳。

高祖翰號雙溪太醫院吏目。

行述五世祖明將仕郎太醫院吏目雙溪公萬歷甲辰進士履歷使覽閻世則祖翰吏目南雷文定參議閻公神道碑其先太原人至公之祖雙溪徙於淮右。

曾祖國順字覺吾歲貢生南安府上猶縣訓導。

太原縣志閻國順字覺吾有至性年十歲大父病夜禱願以身代性甘淡泊而急於解紛鄉人有奇冤以千金爲壽求居閒國順力卻而卒陰爲之所訓子世科成名封如秩鄉人共舉入鄉賢祠南雷參議公神道碑雙溪四子而覺吾以明經爲上猶掌故惠吾以舉人爲狄道令公則覺吾之長子

也。淮安府志闈士望。萬歷四年丙子。山西中式舉人。太原縣志闈士望。國順弟。任陝西狄道知縣。有惠政。民立祠祀之。康熙十六年入名宦祠。

行述。先高祖考封文林郎。浙江湖州府

推官。劄記。示孫學翼詩注。高曾墓在太原西山。

祖世科。字伯登。號籜楚。又號龍門。萬歷庚子舉人。甲辰進士。官至遼東寧前兵備道參議。

萬歷甲辰進士履歷便覽。闈世科龍門詩四房。行述。吾家明朝俱以詩經中式。國朝則皆治禮記。己卯六月二十一日生。癸公生於隆慶庚午

至萬歷甲辰年三十有五。履歷減十歲則二十有五也。太原籍。南直山陽人。庚子二十五名舉人。會試一百名。三甲二百二十三名。

兵部觀政。乙巳授湖州府推官。釋地餘論引朱文肅國禱鴻臚小品論磁州水利事曰。先參議起家湖州司李。與朱交好。朱亦曾口述手畫其事云。己酉福建同考官。劄記。聞旌

德令從兄聘試江寧詩。楚材原待管。祖德自依孫。自注。參議公主試萬歷間。於今六十餘年。案後六十餘年。當為康熙八年。已酉也。釋地。鍾伯敬述其座主雷何思檢討之言。不得於言。勿求於心。不得於心。勿求於氣。管子是箇大受用人。萬歷己酉。闈先參議以湖州司馬。聘往領房。雷何思為正考。共事甚歡。亦偶及是語。故余家世實聞之。錢謙益明詩人小傳。雷思滯字何思。夷陵州人。萬歷辛丑進士。何思好學問。通禪理。講經世出世之法。其宗旨在江陵內江之間。己酉出典闈試。所撰程策。頗見大意。惜其未試而歿。何思集。庚戌舉卓異。辛亥升戶部主事。壬子管象房艸場。癸丑升郎中。遼東管糧。丙辰升河其門生鍾惺所論次。

開知府。仍留遼東管糧。丁巳。升寧前參議。戊午。回籍。

是科總考。資政大夫。禮部尚書。兼東閣大學士。朱賡俞庭祈。江山陰人。戊辰進士。嘉義大夫。禮部右侍郎。兼翰林院侍讀。

學士。掌院事。唐文獻所。南直隸寧寧人。丙戌進士。同考詩四房。文林郎。禮科都給事中。張問。諱誠字。陝西寧寧人。癸未進士。制。記。甲方坦庵詩。通家原孔李。自注。先參議出公叔父大理公之門。又送金道州詩。孔李先朝籍最真。自注。先參議出屬。屬中丞公。

之門。案若方。若金。

蓋公瘞試座主。

南雷文定。參議閻公神道碑。公字伯登。號礪礪。登萬曆甲辰進士第。授湖州府推

官。湖濱巨浸。多盜賊。治以嚴苛。始辦。公奉職循理。解其繁密。民甚便之。有豪右誣人死罪。公疑之。精

神所注。通於夢覺。神語諄諄。即時判結。戊申水災。民死者過半。公與郡守陳幼學。發廩勸分。盡所以

救荒之術。故民雖饑而不怨。

制記。移寓雜興詩。手露萬人曾得活。心冰十郡舊皆寒。先公嗣字。今猶在。君說遺黎淚未乾。自注。先大父起家湖州司李。與郡守陳公琦。壙同時。政最有聲。首二句。即用直指方公魯岳。

薦疏中語也。左汾近稿。有送張龍占還湖州詩。結句云。棠梨園尚在。花發到孫枝。自注。先曾王父起家湖司李。有治聲。

湖多秀民。而經術不足。公禮姚承庵。以爲大師。其說

時與朱文公相出入。學者始知穿穴經旨。以求自得。庚戌。大計郡吏。舉卓異第一。爲戶部主事。癸

丑。以本部郎中。總理遼餉。時邊烽尙息。而軍政曷葺。公夔然憂之。乃蒐乘補伍。廉重核實。三年之內。

捐公費千百五金。貯積六萬餘緡。發寄國之弊。坐放如期。築廩倉數十間。分屯鹽二頃。不相侵奪。公

於邊事。所以經營綏輯。先後始終之際。委曲纖悉。無不備者。蓋已逆知將來東方之有事也。丙辰。擢

守開封。

明詩綜云。出知河開府。與履歷同。此作開封。誤。而今河開府志。亦表。明崇禎開知府。亦無世科名。則以題留本部。原未泄任也。

司農李汝華特疏題留。引公自助。又明年。

陞山東右參議。兼按察司僉事。廷議邊才。改爲寧前兵備。當是時。戊午之敗。問尋至。公置幼子於潞河。單騎出關。拔祖帥於廢籍。綏頓營壘。以待不虞。而巡撫不知其爲勞薪也。以公禮格之。公旣不得行其志。念八十老父。曳杖倚閭。將無忠孝兩失乎。遂投版棄官而去。自公去後。疆場破碎。談兵者非身橫獄戶。卽駢首西市。鮮有以功名終者。而後知公有先幾之智也。

劉記。與趙秋谷書。錢牧翁爲先參議作。閩寧前畫像贊。按有學集贊曰。偃甲廢

衣步雅視詳。夷考其垂魚委佩。濟濟踰隄。斯公雅頌廊廟。厲坊表。函文章。佩章弦而修疇璜者邪。披襟奮袂。立栗趨翔。旋觀其法。冠多服。容昂昂。斯公之侈力。遠驅教背。鬼環武岡。犁虎穴而掃扶桑者邪。全遼金甌。瀚關金湯。誰嚙戎索。誰壞堵櫓。急杵擗。危柱促腸。身已閒而憂怒。口已含而視長。瞻公遺像。整容肅衣。不自知其清淚之漬。裳也。行述。先曾祖考常熟錢宗伯爲像贊。墓誌則漳浦黃詹事爲之。按墓志。今佚。

公歸。整拂藤蒲。具陳花木。與太翁

得盡田里骨肉之歡。逮丁大故。雞骨支牀。爲鄉論所榮。逆黨崔呈秀盛時。以同年生通殷勤。公不顧而唾。家居二十五年。漕撫王紀。李養正。給事中解學龍。御史王允成。累登啓事。公皆不應。所著有敬刑錄。計遼始末諸書。生於隆慶庚午六月二十一日。卒於崇禎壬午二月二十一日。享年七十三。葬

於淮上之蛟龍溝北。娶高氏蔡氏。

劉記家言云。過臨江蔡公宗伯墓下。為水所謫。公先儒人曾王父也。時子孫歲有存者一首。言從尚書孫正屬蔡家親。石馬欲秋艸。銀魚掩夜燭。參盤誰更薦。桂醴

久虛陳。去去猶盈淚。寒泉在夢頻。首韻下自注。司空璿贈外弟。感綸詩。平生自有分。况是外家親。次韻下自注。公官兼學士。未旬

下自注。陶淵明孟嘉傳。淵明先親。自之第四女也。凱風寒泉之思。實鍾厥心。又蔡公歸江在詞館。與新都楊升庵友善。姓名字

見升庵文集卷五十七。云淮南蔡衡仲昂。淮安志。禮部侍郎蔡昂墓在城南包家園。

贈封皆孺人。副室陳氏。子一。修齡。江以北之學者也。女三。其婿諸

生許永祜。舉人李藻先。

劉記有與李表弟詩。

諸生杜嗣皋。

淮安府志。閻世科仕蹟。又除蕭山盜窟。夙害頓去。

山陽詩徵。龍門先生家本晉人。世居淮上官湖州司李。時有疑獄。屢讞不決。夜夢人語之曰。汝未

舉子。宜留意祥刑。覺以告其母。母曰。獄中囚必有當平反者。汝試求之。及再錄。果得囚冤狀。遂出之。

人咸異焉。其為遼東管糧戶部郎中。及兵備寧前參議時。皆有特勅一道。蓋神宗之末。東事孔亟。故

特異於他處也。明詩綜載世科詩一首。楞伽臺。垂老投簪穩。憑高對酒閒。江楓梳白髮。海霧暮青

山。目極秋天遠。身依暮鳥還。禹功遺跡在。千載喜登攀。

劉記家大人追和先大父楞伽臺述懷。并命瓌作。到此成三世居。停繞一僧。神州悲易變。岫武媿難繩。小艇當春載。

高齋正晚登。追隨愁

不及江水捲層層。

父修齡，字再彭，號牛叟，淮安府學生。

淮安府志云：明末貢生。

趙飴山潛邱先生墓志，考諱修齡，世所稱牛叟先生者也。以文名一時，撰述甚富。魏叔子集，修齡

平生慎檢持，以詩名。

淮山肆雅，崇禎乙亥，倪宗師元珙

浙江人，壬戌進士。

歲試淮安，修齡以商籍入學，首

題，擬齊升堂，次題坐而言不應。王山史牛叟先生壽序，先生行誼甚高，又淹通墳籍，著為詩文，清

真典雅，可以式靡起衰。劄記，乞言小奏，家君生丁巳九月十日，籍諸生，先是參議公分校闈，騰

於九鯉湖而生，名字皆夢中夙授，少穎異不凡，性篤孝，先大父母見背，哀毀踰禮，克襄大事，極其誠

信，依戀松楸，數十年不釋於懷，與先母白首相莊，始終無閒言，生平非義之取，雖千駟弗視，交游不

侵，然諾常云，欲學沒脊而不能，蓋有為之談也。嗜荔枝，績圖以寄遐抱。

陳其年迦陵詞，洞仙歌，證前生為牛叟賦，注引牛叟兒聞遺獻序曰：予

生於國，故生平癖嗜，尤在楓亭荔枝，妻屢辦裝，助予入國，啖荔，以遠道，逡巡未果也。

著有眷西堂詩文，紅鷗亭詞，行世。茶餘客話，國初郡城園亭，見

於詩文者甚多，今遺址無考，以余所知，閻牛叟眷西堂，在新城東門，金石廢，嘉樹軒，在新城，又一蒲

庵影閣、鷓巢、鶴墩、在平河橋，又西爲飲牛草堂。

案平河橋在淮安城南四十里，劉記有平河舟望詩。淮安志：平河橋鎮城南五十里，枕臨河，村落市肆，兩相映帶，田疇肥美，帆檣繚繞。

亦淮甸之門戶也，昔有橋，今圯久矣。或曰：運河水至此而平，故名。

山陽詩徵引吳山夫云：牛叟先生七歲入小學，塾師以丹山鳳鷲對，卽應

聲曰：碧海龍，識者以爲偉器。先生家世豪貴，獨折節以讀書取友爲樂，未弱冠爲督學御史倪元珙

所賞拔，復從漳浦黃公道周游。甲申以後，棄儒衣冠，與同里張虞山、靳茶坡諸先生爲世外交。

淮安府志

張養重，字斗瞻，山陽人，崇禎中諸生，善詩文，不求仕進。子欽世，從子鎮世，一門高隱。父子閒自相倡和，所著有一家言，斬應昇字暨星，山陽人，順治中歲貢生，博學工文，尤長於詩，有渡河集。茶餘客話，斬壁星號茶坡樵子，張養重號虞山逸民，晚自慶南歸，戲一

椰子冠，又號

閒若禪侶，靜若處子，去城西四十里，小築一蒲庵，朝夕行吟，介然自守，不趨流俗，其詩高

椰子道人。

潔，無烟火氣，不減儲王，著有秋心、秋舫、冬涉、影閣諸集。行世尤工花間草堂諸闋，舊刻有清溪怨，感青姬作也。一時和者如雲，余嘗見先生畫像一卷，爲圖凡六，初爲授書圖，畫卯角童子，學書於參議公側，參議公高冠偉服，望之肅然生敬，次爲游泮圖，方巾襪衫，樹二金花於首，乘白馬，前有彩旗，後張黃蓋，此爲前明崇禎乙亥年，先生年十九歲，題者甚多，惟張虞山七言古詩爲詳，次爲焚冠圖，聚

儒衣冠而焚之。繫漁舫於叢
之巢父而不能別號飲牛叟。
次爲改詩圖。則四十時也。

至揚州而先生歸秦數載矣。然時時聞
山怒濤穿骨頃刻而罷。擲筆引滿。旁若
云云。愚山有酬李叔則詩注云。罷官居
又一首注云。君歸關中。明年而揚州難

自題一絕云。題詩者甚多。如

以年老授中書舍人。嘗坐文選樓。選
詩爲詩觀。初二三集。別集。蕭穆集。

鄉劉氏。先生之孫甥也。予就

止五詩。歐尙載有斷絃圖。
自題絕句爲六十時作。

行述。

下榻嘉樹軒。或留止經年。或

陞錄先生滄桑後，隱居白馬湖，與同里茶坡、虞山諸人結望社相唱和，風雅之士一時翕集，如黃岡

杜茶村，名潛，字子皇，初名太原傅青主，事蹟見南昌王于一，名猷，定號軫石，寧都魏叔子，名禧，字冰叔，號谷齋，一號

於易臨清倪天章，名之燁，淮安志，劉漢中字勃安，山陽人，康熙中歲貢生，遷東流縣訓導，臨清倪天章流寓淮安，儼屋徐州

萬年少，事蹟見閩古古，名爾梅，字用卿，著有白春山人集，皆下榻相待，飛觴拈韻，為南北詞流所宗，不減玉

山雅集之盛，於世味泊如也。左汾近稿，幼時見先大父藏奔壽承二字私印，傳為三橋手筆。

母丁孺人，諱仙窈，字少姜，清河丁文恪公季孫。

魏叔子，閩母丁孺人墓表，淮安閩君再彭修齡之妻，姓丁氏，祖文恪公，諱士美，嘉靖己未狀元，官吏部侍郎，贈禮部尚書，父中憲大夫，知姚安府，諱有殷，割記，丁舅兄為其二子來乞名，余名之曰體源，曰禾棧，以文恪公後人也，并繫以詩，又案潛邸與喬石林為姨兄弟，割記

有哭石林姨弟詩是也，又贈潘山補詩曰，我母母之祖，厥官曰中丞，傳君已六葉，家法守還能，中丞謂明都御史墳也，及考純翁類稿，喬母潘孺人墓志，石林母乃墳之元孫女，輩行差忒，汪志疑誤，又案山稱名夏，字西河，山陽人，順治中諸生，淮安志稱其不事舉業，專肆力於詩，性好酒，家貧不能常得，與至即走向友人家索飲，醉則以一詩報之，愛其詩者，召飲無虛日，著有激滄亭詩，然則潛邸贈詩後二韻曰，縱酒愁書亂，離鄉畏病增，高堂幸強飯，勉矣就瓊臚，蓋規之也。崇禎甲戌，孺人

年十七歸再彭。再彭早失母夫人。時參議公老在堂。孺人內外家皆貴盛。特柔謹。孝事參議公。自奉養朝夕。至視疾喪葬無違禮。遇二女公女妹。必敬以和。身撫杜氏孤女甥。而厚庀。匱具嫁之。

案參議公有女嫁杜

嗣學見前兩雷墓碑

生平於奴婢罕叱咤聲。接內外姻婭無失色。孺人諱仙竊。字少姜。行季。性婉慧。眉目朗秀。知

書明大體。兼通琴奕。琴不由師授。以意成譜。妙合音節。事再彭恭。奉再彭賓客酒漿。久必飭。夫婦相歡。得白首如年少人。甲寅八月。孺人以微疾卒。閻氏故世家。自高曾以下。生忌日皆祭。每歲十餘舉。孺人直日。必夙興。潔觴豆肴蒸。儻被立須。再彭拜獻。未卒前十日。一祭愆期。日亭午。孺人覺之。悲曰。吾爲閻氏婦。奉烝嘗四十年。未嘗敢失事。何今日而遽忘之。豈死期至。神不守邪。卒成禮。又七日。曾祖妣忌。力疾整衣肅拜如平時。又三日。歿。孺人於家無專制。鉅細必稟再彭。然遇事往往開陳義命。再彭性漏。每改容從之。甲申後。勸再彭棄科舉學。再彭遂以詩名。予與再彭若璩皆有交。請予表其墓門。墓在吉家塾。距參議公兆西二百步。初再彭偕孺人上先塋。憇此。偶指一穴曰。他日與汝合葬。是今正其處云。

案丁孺人墓表。牛叟先生初請邱邦士作之。邦士不果作而卒。叔子作邱維屏傳。載其事曰。己未九月。病瘳不食死。年六十六。先是淮海閻氏。以精騎一匹將營。求爲其妻銘墓。未作也。死之先日。邦士命家人取繭出。

曰以付冰叔。遷
和未歸云云。然

也。陳其年定
五人幼者

而就理御

高妣忌辰

於女兄弟

亡之戚。曾

次耳。又案
作井

焉。減字木

參詞引曰

詞注引曰

詞注引曰

注引曰。妻一生鮮惰容。雖疾疾亦淡妝。讀史予調曰。提學未至。女秀才矻矻何爲。每聽耳天閣。日課童奴蕩。余以丈夫當掃除天下爲言。妻笑曰。請從一室始。泛清波。摘遍采菱詞。注引曰。妻種菱湖西。常攜諸女。扁舟采摘。當夕陽下。春翠袖紅妝。與清流碧沼相映。宛在畫圖。寅秋尙期踐此約。而竟不逮矣。以上凡七事。餘三事散見前後各條下。 劉松苓雪坡詩話。迦陵嘗爲牛叟賦卓牌兒詞云云。想見牛叟伉儷風致。

而百詩又能以經學名世。亦奇矣。

明崇禎九年丙子十月十四日先生生。

割記有壽子仁詩曰。吾聞堯元載。竹書歲丙子。後幾七十周。實爲吾生始。又生日展期啓。今年下元前。一日爲吾六十。杭大宗道古堂集。若瓊生。參議公酷愛之。常抱置膝上。摩頂熟視曰。汝貌甚文。其爲一代文人。以光吾宗乎。行述。府君生於明崇禎九年十月十四日亥時。

十年丁丑二歲。

十一年戊寅三歲。

十二年己卯四歲。

十三年庚辰五歲

十四年辛巳六歲

道古堂集六歲入小學口吃資頗鈍讀書至千百遍字

記不敢出聲劄記移寓雜興詩注余六歲時見家古

漢宮可遷則逆案可翻矣楊立取卷回

後直指使者誣劾用癩楊與有力焉

十五年壬午七歲

二月參議公卒於家

十六年癸未八歲

十七年甲申十月朔爲大清順治元年九歲

是年牛叟先生客金陵先生從母丁孺人避地吳越

泗徽曰甲申予客金陵妻獨攜子女避地吳越常手書促

釋地年九歲。讀孟子疑滕定公薨。兩使然友往鄒問孟子。何緩不及事。

疏證卷六上。余少時習孟子疑滕定公薨云云。與釋地語意略同。但不著

少時爲
幾歲耳。

茶餘客話。劉節之孔和。山東長山人。明大學士鴻訓子。少年豪狹。詩文有奇氣。好煮酒論兵。結納死士。

散財聚衆。於長白山。殺偽縣令。

秋濤案。此事在崇禎甲申。闖賊所署縣令也。

領數千人至淮安。時劉澤清開藩淮上。建牙新城。節

之同鄉有舊。遂以兵屬。後見澤清所爲不道。屢侮之。澤清怒。令健兒二十人拉死之。節之在新城。與閻

修齡。斬茶坡友善。時有唱酬。死後。修齡茶坡攜白金數百兩。往尋其屍。終不得。

案漁洋文略。有劉孔和傳。

二年乙酉。十歲。

是年從兄洞。以商籍入淮安學。

案劄記有寄從兄錦濤詩。錦濤當卽洞之字也。

三年丙戌。十一歲。

是年從兄若琛。以商籍入學。

案若琛字紫琳。與先生同會祖。祖世美。父調元。見戊戌進士履歷。便覽。是年與若琛同案入學。又有歸若璵商籍。亦先生從兄也。

四年丁亥十二歲。

茶餘客話。靳茶坡。閻牛叟。張虞山。丁亥秋。有三子秋心之刻。與化李小有序之。小有自稱虛天游。

秋瀟案小

有名長科。世所傳仁品。廣仁品。皆其所輯。

五年戊子十三歲。

六年己丑十四歲。

劄記。初刻唐百家詩選序。回憶五十載前。曾過閩中書賈。持翻刻本正二十卷。

案此序作於康熙己卯。

七年庚寅十五歲。

道古堂集。年十五。冬夜讀書有所礙。憤發不肯寐。漏四下。寒甚。堅坐沈思。

行述此下有筆。親皆冰四字。

心忽開朗。如門

牖頓闢。屏障壁落。一時盡撤。自是穎悟異常。是年列學宮為弟子。

案據淮山肆雅。入學實在明年。

名流如李宗伯太虛。

名明

卷南昌人。天啓壬戌進士。官左諭德。入國朝。官至禮部侍郎。

方處士爾止。

名文。桐城人。著有露山集。

梁商邱公狄。

案歸德府志職官表。商邱知縣。梁以棟。崇禎間任。魏季子集。書梁公狄甲乙議。後初授太康令。時賊盤踞中州。

公與其兄以相悉志力拒之。以殺賊功調商邱。賊攻商邱陷。公天人張氏并家屬俱死。公傷仆亂尸中。民救之。三日後蘇。逮刑部獄。天子以爲無罪。出之獄。數日京師陷。公冒死南下。參史閣部軍。題授兵部主事。經理河南。途命下。而事不可爲矣。云云。甲乙議者。公狄前後所上封事。及平賊方略也。鼎革後。隱居高郵。應愚山有雙湖答梁公狄詩云。千里尋君逢臥病。杖藜猶肯爲開門。浮家不厭滄州僻。抱膝誰知故老存。白髮歡歌含涕淚。殘尊風雨自寒溫。扁舟歲晚歸人急。信宿何年湖上邨。孫夏峯集亦有覆公詩。及踵韻寄懷之作。苗夔案。以樟清苑人。明崇禎己卯。北直解元。大興王潔。王源之師也。見恕谷後集王子傳。

王處士于一。李孝廉小有。杜貢士于皇。宗人孝廉古古。與之上下

議論。咸拱手推服。以一經不可盡也。進而之五經。則曰。十三經不通。五經不能精也。次第卒業。阮應韶筆訓云。吾父嘗言。少時與閻百詩先生同受業於靳茶坡先生之門。同學日暮。抱書歸家。閻天資魯。獨吟不置。必背誦如翻水。乃已。後發憤將書拆散。讀一頁輒用麪餬黏几背。既熟即焚去。終身不再讀。

一夕胸前膈下。豁然洞開。若有聲震耳。後視書。一過目即成誦。戊午與吾父同薦鴻博。爲世通儒。

秋濤案道

古堂集不言潛邱十五歲時所事何師。以筆訓考之。是已從靳茶坡游也。證以割記之言。知從茶坡亦五六年。應韶字虞再。山陽人。穆案應韶父名晉。字毓。繼吏垣。厥略已未。山陽薦舉鴻博。赴部驗到者三人。李繼。邱象隨。張鴻烈。未到者三人。穆宗孟。張新標。馬駿。更無阮晉之名。淮安志稱晉由諸生入國學。鴻博科開。津要多欲招致其門。望辭不附。是其事也。晉孫學浩。學潛。曾孫葵生。芝生。皆成進士。宦顯於時。芝生字紫坪。先泗州府君丁丑進士同年也。

沈儼割記。先生生長世

冑。家多藏書。幼即潛心鑽研。抉精剔髓。思成一家言。所交盡海內名流。如李太虛。梁公狄。杜于皇。李叔

則王于一、魏冰叔昆弟。

案冰叔從兄伯子際瑞弟。季子禮，所謂江西三魏也。

時過淮必主其家，輒留止經年，與先生討覈今古，諸公皆

歎服，謂後來者居上。

八年辛卯十六歲。

奉淮山辯雅錄。順治八年，李提學嵩陽類考。先生以商籍入淮安學，首題伯夷叔齊至怨乎。次題視天

下悅而歸己。

清祿逃聞，李嵩陽字雲增，河南封邱人。前庚午舉人。順治六年任。案吳梅村有贈李峨居御史督學江南詩。荆注引程迓亭曰：嵩陽字元佩，號峨居。又蓋含尊鄉贊筆封邱李公嵩陽起家乙榜，視學江南，翕然有公明之目。

顧

棟高萬卷樓雜記閣百詩。先生年十五，裡山陽學官弟子，肇究經史，深造自得，嘗集陶貞白皇甫士安語，題其柱曰：一物不知，以爲深恥，遭人而問，少有甯日，其立志如此。

案題柱語先生載之困學紀聞箋。

是年毛西河避讎。

初出游淮上，變姓名王彥，字士方。

九年壬辰十七歲。

十年癸巳十八歲。

十一年甲午十九歲。

從兄若琛中式山西舉人。

十二年乙未二十歲。

錢傳年二十讀尙書至古文五十五篇。卽疑其僞。沈潛三十餘年。乃盡得其癥結所在。墓志少讀尙書。多所致疑。謂自孔安國至梅賾。幾五百年。中間半出傳會。遂著尙書古文疏證。以申其說。行述著尙書古文疏證。蓋自二十歲始。而諸子史集亦自是縱學。無不博覽。劄記題春秋左傳慶事。余年二十前。從同里靳茶坡先生學此書。蓋得於其家。移寓雜興詩注。霞舉紫嵐。同余受業靳茶坡先生之門。余年最幼。疏證卷八同里友人石子華時字紫嵐。一字企齊。與余善。每著疏證成。或面語。或遣信送覽。正唐人詩所謂爲文先見艸者。淮安府志石岱時字霞舉弟華時字紫嵐大河衛人皆講生文章行誼見重一時邑人交口稱二石先生又紫嵐嘗謂余子於考證之學。洵可謂工矣。其指要亦可得聞乎。余曰。不越乎以虛證實。以實證虛而已。釋地三續吾何修十二句引石子嵐說卽紫嵐也劄記多與紫嵐書

嵐書及詩。

十三年丙申二十一歲。

十四年丁酉二十二歲。

十五年戊戌二十三歲。

三原孫豹人枝蔚。澆堂前集。戊戌年。有懷園百詩。就醫京口。詩苦憶淮陰。閻伯子。近來脾病太相磨。少年最有登臨興。異縣其如夢。海何能賦。茂陵消渴甚。苦吟昌谷。嘔心多。漫勞著作徒無益。努力萊衣舞。

且歌。

阮大德廣陵詩事。孫豹人本三原人。至廣陵學貢。三致千金。頓有悔曰。丈夫處世。不能舞。稍取金印如斗大。則當讀數十萬卷書耳。何。醒醒學富家兒。乃。汝。居。處。相。祠。勇。名。其。居。曰。澆。堂。舉。詞。科。時。崑。山。大。司。寇。徐。公。爲。一。時。龍。門。四。方。之。士。鱗。集。仰。流。豹。人。

獨不事干譏。入試。不終。而。出。上。權。聞。其。名。命。賜。銜。以。寵。其。行。

行述。以病。嘗。就醫。鎮江。特。延。李。寶。應。叔。則。先。生。借。行。假。仰。金。山。楞。伽。臺。日。作。

詩信和。夜則。乘。月。浩。歌。達。旦。與。江。聲。相。應。長。洲。金。聖。歎。聞。而。訪。焉。語。輒。詘。遂。巡。別。去。

王應奎柳南隨筆。金人瑞字若采。聖歎其法。

也。少年以諸生爲游戲。其補而旋棄。棄而旋補。以故爲。縣。生。不。常。性。故。穎。敏。絕。世。而。用。心。虛。明。覺。來。附。之。錢。宗。伯。天。台。泐。法。師。靈。異。記。所。謂。慈。月。宮。陳。夫。人。以。天。啓。丁。卯。五。月。降。於。金。氏。之。卣。者。即。指。聖。歎。也。聖。歎。自。爲。卣。所。憑。下。筆。益。機。辯。瀾。翻。常。有。神。助。然。多。不。軌。於。正。好。評。解。稗。官。詞。曲。手。眼。獨。出。初。批。水。滸。傳。行。世。崑。山。歸。元。恭。見。之。曰。此。信。亂。之。書。也。繼。又。批。西。廂。記。行。世。元。恭。見。之。又。曰。此。誨。淫。之。書。也。顧。一。時。學。者。愛。讀。聖。歎。書。幾。於。家。置。一。編。而。聖。歎。亦。自。負。其。才。益。肆。言。無。忌。遂。陷。於。難。時。順。治。十。八。年。也。初。大。行。皇。帝。遺。詔。至。蘇。巡。撫。以。下。大。臨。府。治。諸。生。從。而。許。吳。縣。令。不。法。事。巡。撫。朱。國。治。方。懸。令。於。是。諸。生。被。繫。者。五。人。翼。日。諸。生。羣。哭。於。文。廟。復。逮。繫。至。十。三。人。俱。劾。大。不。敬。而。聖。歎。與。焉。當。是。時。海。寇。入。犯。江。南。衣。冠。陷。賊。者。坐。反。叛。罪。大。獄。廷。議。遣。大。臣。即。訊。并。訊。諸。生。及。獄。具。聖。歎。與。十。七。人。

俱傳官逆案坐斬。家產籍沒入官。妻子遺戍云。結埼亭集。劉繼莊傳後跋曰。繼莊之才極矣。顧有一大不可解者。其生平屢訂許可。金聖歎故吳人不甚知繼莊。聞有知之者。則以繼莊與聖歎並稱。又咄咄怪事也。聖歎小有才耳。學無根柢。何所取而許可之。然繼莊終非聖歎一流。不特不爲別白也。案繼莊名獻廷。

吳人寄籍大興。明史館一統志局繼莊皆與其事。

是年從兄若琛成進士。改兵部主事。

若琛歷官至嘉興府知府。割記贈李梅谷吏部詩自注國博兄

同年昔與同官案梅谷名含春。順天通州人。戊戌進士。國博蓋若琛別字也。左汾近稿寄顧山容學士詩。吾家所欣賞。倍與阿成親。自注君出從父。今嘉興守之門。

十六年己亥二十四歲。

十七年庚子二十五歲。

劄記題邵文莊簡端錄。余年二十五歲。始從同里吳太易先生學。見先生手不暫捨此書。聞請而觀焉。復於先生曰。未見甚佳處。先生微笑。蓋先生病耳聾。以爲此自其恆狀。越後二載。取而復讀。徹首徹尾。不覺沈酣。尋味者彌旬。以復先生。先生喜曰。吾當日若喑子。子未必服。固知吾子必有今日解悟在。其

善開發人如此。

然則先生自此年至壬寅入京師以前。皆從吳太易學也。

困學紀聞箋。先師吳太易先生問余。五福無貴。子知其說乎。對

曰。未也。先生曰。蓋福乃人生受享之物。古者有一命。則有一命之責任。寒者與衣。飢者與食。凡不獲其所者與安。是以終身處乎憂患之域。而不遑暇。其在位也。如肩重負。及去位也。如釋重負。豈若後世之

貴者。以位爲恣睢乎。故五福中不得有貴。此論甚精。案凡厥正人。既富方穀。古未有富而不貴者。深審變之論。尤矣。釋地。天時不如地利條。

業師吳太易先生。謂此節兩地利字殊不同。上地利是舉偏而言之。已足勝天時。下地利是舉全而言

之。仍不能及人和。語此時。歲在庚子。距今四十有二年。案後四十二年爲康熙四十年辛巳。墓木徒拱。著書莫遂。恐有名字

翳如之感。爲識於此。自注。先生諱一清。大河衛人。丁酉北闈舉人。甲辰擬會元。後二年卒。秋濤案。先生篤於師弟之誼。若

此烏。始學終倍。如顯江諸說者哉。李塉大學辨業題詞。大學釋治國。未釋平天下。蓋天下者。國之積也。此國如此用人。如

此理財。推之他國亦如是。無異道也。故治平條。一天下字虛。五國字實。以爲國作爾。三十載前。聞先師

吳太易云是編。又不謀而合。至德不孤。斯文尙在。不意老年。見此奇特。塉字剛主。蠡縣人。自名其里曰恕谷。康熙庚午舉人。通州學正。秦恕谷此書成

於康熙戊寅。已卯過淮安。與潛邱相見。題詞當卽作於此時。儒林傳稿。有評定古文百篇。其師山陽吳一清所手授。續加闡發。

是年從兄河。中式山西舉人。西河復出游。自此年至康熙三年甲辰。皆在淮上。施愚山毛子傳。出亡抵淮。上山陽令朱禹錫。故善姓。

爲召諸名士詞人。畢填爲歡。而吏部張新標父子善詩。有名園。中秋夜會客數十人。伎樂合作。笙倚醉扣盤賦明河篇。凡六百餘言。及日。則淮上諸家傳寫殆遍。宣城施閏章還自京師見之。自爲才子。自是客淮數月。留連不能去。姓年四十餘。尙無子。自言當以客游老

云。案是年西河年三十八。此傳當作於康熙三十四年。愚山比年。苦以分守入覲。歸路出淮上也。朱禹錫字探菽。浙江山陰人。順治間。以選貢積分。選山陽縣。考淮安志職官表。禹錫知山陽。在順治十六年後。康熙五年前。而西河於四年乙巳。已與愚山講學白雲洲。然則禹錫實禮西河之歲。月亦約略可知矣。

十八年辛丑。二十六歲。

是年從兄洞成進士。改旌德縣知縣。

淮安府志。旌德。長寧。安溪三縣知縣。割記。寄從兄錦濤詩曰。官向奇山下。長吟小謝詩。謂旌德也。又談諧卷二。從弟自旌德歸。授余以縣志。

康熙元年壬寅。二十七歲。

孫豹人澆堂前集。壬寅。閩百詩自淮至邗。上。哭亡友王于一。兼經營歸禮。感其古誼。贈以詩。

詩曰。太白於指南。自滄重。

朋情。禮眼日。極矣。發券在鄂城。高義照。子載。豈獨詞賦名。我友昨客死。杭人多哭聲。魂寄古寺中。尚聞鐘鼓聲。我遠不及赴。垂淚徒縱橫。贈笑李太白。偷誰何之輕。古道未渝衷。乃復見陶生。自淮過廣陵。離金恤其壘。日夜望樵車。將途歸柴荆。閩左擅詞場。昨晚公與卿。師事但王子。心虛眼自明。還復奉父命。彌孤勞經營。世俱崇勢利。遺子金滿囊。爾翁獨不然。舉事貴堅貞。我身在江湖。終日望歸帆。飄泊漸暮。何異水中萍。身後費自計。焉敢累嚶鳴。作詩兼示兒。悽然涕沾纒。案于一卒于西湖昭慶僧舍。

又有壬寅送閩百詩返太原故里赴試詩。

詩曰。我住江都君淮上。相思但聽梅聲響。梅花開罷楊柳青。君縱不來我能往。惟愁病渴苦相如。誰慮蟬候久。釣魚匣裏豈無三尺劍。箇中現有萬言書。今晨別我太原去。爲言先

人有慮焉。立馬朝看太行雲。揮鞭夕指并州樹。我聞君祖大參公。令譽猶播鄉里中。立朝慷慨多奇績。君今繼之稱豪雄。歸來應笑淮陰市。始識閩生天下士。淮陰亦是枚公鄉。君且著錦拜高堂。

又有壬寅賦得桂送閣百

詩入秋閣絕句。

詩曰：桂樹何著葱，香飄八月中。淮南看易厭，好問廣寒宮。案壬寅無鄉試，潛邱蓋於是年始。謀改歸本籍，故豹人作詩云然。實則壬寅冬先至京師，次年癸卯始由京旋里，應鄉試也。

道古堂集 康熙

元年始游京師。合肥龔鼎孳為宗伯。相知最深。頗為延譽。由是知名。

案貳臣傳：鼎孳於順治十三年由左都御史降補上林苑書育署丞。十七年甄別京員，復

行述 龔大宗伯府君父行也。知最深。

一年癸卯二十八歲。

道古堂集。旋以僑籍改歸。餼於太原。

案據下蕭松齡條傳書主條核之。知改歸故籍當在此年。

行述 自遷淮以來。高曾以下。類先就僑

籍考試。然後歸本籍。故是年又附太原縣學。隨補廩膳生。

案藤陰雜記：餼於吏科庫。見己未保舉鴻博奏疏。潛邱係以監生脅薦。槐廩載筆引吏垣履略同。 釋

地。蕭松齡木公。夫子為衡君乎。全章文云云。癸卯交木公於京師。曾舉此段議論。今忽已三十八年。能

無慨然。

案與蕭木公會當在此年之春。時尚未歸太原也。後三十八年為康熙三十九年庚辰。

劄記。案傅山先生少耽左傳。著左錦一書。祕不示人。余初

訪之。松莊年將六十矣。

案全謝山傳先生事略：康熙戊午。青主年七十四。則此年年五十九也。劉記訪馬長遠詩第三句。回首松莊稱韻學。自注：謂陽曲傅青主。二丈松莊其所居也。

問余古人命

名應有義。但如文六年，續鞠居乃狐射姑之族。鞠居二字何義。余曰：案成二年，齊師乃止，次於鞠居。杜氏止注鞠居，衛地。惟劉昭引陳留志於兗州封邱縣下注云：有鞠亭。古鞠居，則知此蓋以地命名者。因難何以晉人遠取衛地而名其子邪。余曰：則有風俗通義在。俗說縣令問主簿：靈星在城東南何法。主簿仰答曰：惟靈星所以在東南者，亦不知也。先生不覺笑。又傅山先生長於金石遺文之學，每與余語，窮日繼夜，不少衰止。歎謂此種學正經史之譌而補其闕，厥功甚大。畢竟始自何代何人。余曰：魏太和、中魯郡於地中得齊大夫子尾送女器，有犧尊純爲牛形。王肅以證其羽婆娑，然說非是。晉永嘉賊曹嶷於青州發齊景公冢，得犧象二，尊形爲牛象。傳至梁劉杳以證象骨飾尊之說，非。漢章帝時零陵文學奚景於冷道舜祠下得白玉琯，古以玉作傳。至魏孟康以證律歷志竹曰管，說不盡然。儒林傳伏生，濟南人也。魏張晏注曰：名騫，伏生碑云：地理志魏郡黎陽黎山在縣之陽，縣當名黎陰，乃云陽者，兼取河水在其陽，以名晉。晉灼注曰：其山上碑實云：水經注青州刺史傅宏仁說：臨淄人發古冢得銅棺，前和外隱起者隸字，言齊太公六世孫胡公之棺也。惟三字是古，餘同今書。證知隸自出古，非始於秦。顏氏家訓：開皇二年，長安民掘地得秦始皇二十六年鐵稱權，上有乃詔丞相狀綰之銘，之推與李德林對讀，則知本紀丞相隗林爲俗書。林當作狀，凡是數說，似未有先之者。

王鳴盛潛研堂金石跋尾敘傳青圭問閣百詩金石文字足以證經史之

譌而補其闕。此學始於何代何人。百詩考得七事。以爲此外無先之者。但王肅劉杏孟康所據。皆無文字。則精確者。惟四事耳。而此外若昭三年傳。叔向引鸞鼎銘。昭七年傳。孟僖子引考父鼎銘。禮記祭統。引孔惶鼎銘。考工記。虞氏引嘉量銘。此見於經者也。史記封禪書。李少君謚齊桓公柏疑銅器。案其刻果然。漢書郊祀志。張敞案美陽鼎款識。辨爲周鼎。此見於史者也。若家語載金人銘。大戴禮載序書銘。秦本紀載始皇所立諸碑。魏書衛操傳。載操所立大邗城碑。而柏人城西門碑。闕駟且據以爲卽舜納於大麓之迹。凡此皆百詩之所未及舉也。然則金石之學。自周漢以至南北朝。咸重之矣。穆案。金人銘出劉向說苑敬慎篇。王肅勸發之耳。丹書銘非金非石。不當舉。始皇諸碑及衛操大邗城碑。皆史官據實載之。非後世搜獲軼聞。此四事西莊所引皆誤。又移寓詩注。

金石文字。足爲史傳正譌補闕。余曾與陽曲老友傅青主。極論其事。又余嘗告子壽。金石文字。北方爲多。崇梨文字。南方爲勝。又案。余嘗謂蓋代文人。無過歐公。而學殖之陋。亦無過公。傅山先生聞之曰。

子得毋以劉原父有好箇歐九之云。從而和之乎。余曰。非敢然。實親驗之。集古錄跋尾。

此條又見困學紀聞卷二十。

困學紀聞箋。卷十 謝承後漢書。錢牧齋云。方少師於史館攜去。問之其後人。不可得。陽曲傅山先生聞

之笑曰。某家卽有之。永樂開揚州刻本。初邵陽曲全碑出。曾以謝書考證。多所裨。大勝范書。以寇亂亡

失矣。

案此事又見劉記移寓詩注。及唐百家詩選跋。惟詩注云。曾見與前後語頗抵牾。又案清邱於癸卯于子。兩訪青主於松蘿。此數條未知定在何年。類記於此。

是科山西闈題。子路有闈一節。萬物育焉。使天下仕者。皆欲立於王之朝。

蘇豹人集有癸卯清明日閻再彭攜歌童泛舟城北按謂揚州城北也取今日天氣佳清吹與鳴彈為韻五言律

十首

三年甲辰二十九歲

魏世倣昭士文集閻再彭七十壽序家大人曾與先生相見而先生令子同宿於清江浦上時倣甫十

歲耳輒知先生父子

案世倣魏季子禮之次子也據序中丁巳歲倣年二十有三逆推之知當在此年

四年乙巳三十歲

劄記方坦庵先生自寧古塔歸遇家君誦余拙作甚多不知何從得之異日賦此志感并以為弔又注

余乙巳始過維揚謁先生未值

甲申傳信錄方拱乾字坦庵南直桐城人戊辰進士官左諭德掌司經局印聞城陷尚臥牀上引刀割髮未半為家人抱持而止尋削髮報名以美婢賂賊將羅不加拷掠云云案矣

震方讀鈴采拱乾所著絕域紀略戊寧古塔時作也未有無衣曹序跋曰坦庵被罪謫徙捐貲得還本末總無可取但其所記有足備勸戒者云云案拱乾入本朝仍官陞少順治十四年因為少子章鉞科場賁緣中式與吳漢槎諸人同遺戍寧古塔但放還較早耳施愚山有聞方坦庵先生及樓岡邵村諸君放還志喜詩在湖西到官寄親舊詩後案年譜愚山以順治十八年秋分守湖西則坦庵放還辛丑壬寅之間矣樓岡邵村者坦庵二子元成亨成之別號也漁洋精華錄甲辰年有將往金陵冒辟履攜歌兒見過同方坦庵